

# Gobernador Refunjol ta otorga 8 Condecoracion Real



E aña aki 8 Arubiano a wordo condecora como Ridder of Lid in de Orde van Oranje Nassau pa nan tremendo aporte na nos comunidad. Diarazon ultimo den e auditorium nobo nobo di Museo Archeologico den Schelpstraat, e condecoradonan a ricibi nan asina yama 'Lintje' di Gobernador Fredis Refunjol.

Personanan cu a haci nan mes particularmente meritorio pa comunidad ta bini na remarke pa nombramento den un di e gradonan di Orden di Oranje-Nassau. P'e manera particular cu e paisanonan aki a duna contenido na nan actividadnan, nan ta ricibi durante e ocasion aki aprecio y reconocimiento di

su Mahestad La Reina.

Apripino Rolando Bisslik Señor Bisslik conoci como 'Roly' Bisslik a ricibi un condecoracion como Ridder den e Orden di Oranje-Nassau pa su trabao incansabel pa realisa e piscina Olimpico na Savaneta. Como reconocimiento pa su esfuerzo y su prestacion extraordinario, Gobierno di Aruba na aña 2002 a duna e piscina e nomber: 'Piscina Olimpico Roly Bisslik'. No obstante limitacionnan cu el a sufri e tempo ey di e malesa 'Caisson', e deportista di aña 1988 ta sigi aporta na actividadnan cu metanan social. Señor Bisslik ta duna les na instructornan nobo di landamento, duna charlanan tocante salud den

combinacion cu landamento, tambe e ta organisa actividadnan di landamento y ta traha como boluntario ora di rescate riba laman.

Eurico Juscelino Hermans Señor Hermans a ricibi un condecoracion como Ridder den e Orden di Oranje-Nassau pa su contribucion riba tereno di scouting. Desde su entrada den e mundo di scouting e tabata den diferente comision cu meta e reconocimiento di Scouting Aruba como unidad despues cu Aruba a haña su Status Aparte na 1986. Señor Hermans ta entre otro (co) fundador di Scouting Aruba, Movimiento Scout Arubano, Seal Scouting Aruba, un grupo di Carnaval y

un organisacion di musica, cu e meta principal; e bienestar di e hubentud na Aruba. Señor Hermans ta conoci pa su aporte grandi, su contribucion elogiabel pero tambe pa su añanan di dedicacion na fabor di nos scouting y na e bienestar di e hubentud na Aruba.

Yamila Altagracia Hoevertsz-Kock

Señora Hoevertsz-Kock a ricibi un condecoracion como Ridder den e Orden di Oranje-Nassau pa su dedicacion y involucmientu na Amnesty International. E ta un persona hopi activo en durante su estadia na Hulanda a aporta na vooral asunto di hende muhe. Su trabao boluntario y presidencia di Amnesty International ta wordo hopi balora. Banda di su aporte pa Amnesty International, señora Hoevertsz-Kock ta traha como boluntario pa Fundacion pa nos Muchanan, FAVI, FALPA en Fundacion pa Hende Muhe den Dificultad.

Charles Hendrik Lampe

Señor Lampe a ricibi un condecoracion como Lid den e Orden di Oranje-Nassau pa su aporte den trabao caritativo y humanitario na bienestar di nos comunidad pero especialmente su aporte pa pashentnan den rolstoel. Durante mas cu 20 aña Señor Lampe a yuda Lions Club, caminda e tabata responsabel pa distribui rolstoel na personanan cu no tin posibilidad pa cumpra na mesun rolstoel. Señor Lampe a logra ricibi diferente reconocimiento manera e Melvin Jones Fellowship Award cu ta e reconocimiento di mas haltu cu Lions Club por ricibi.

Dionisia Petronilia Mathilda Señora Mathilda a ricibi un condecoracion como Lid den e Orden di Oranje-Nassau pa su trabou extraordinario y aporte na bienestar di comunidad, principalmente su atencion special pa enseñansa pa mas di 50 aña. Señora Mathilda ta duna a les cu hopi amor pa mas cu 50 aña na e hobennan aki na Aruba. Ademá di su trabou, e

ta duna bijles na hobennan y hasiendo esaki gratuitamente pa hobennan cu no tin sen pa paga pa e lesnan.

Señora Mathilda ahinda ta yuda na school y na momento cu e school mester e ta cla pa duna un man.

Richard Walter van der Wal en Edith Suzy van der Wal-Kambier

Señor y Señora van der Wal a ricibi un condecoracion como Lid den e Orden di Oranje-Nassau pa nan imenso aporte y amor pa cu naturalesa y en especial pa turtuga. Como fundadonan di TurtugaAruba Señor y Señora van der Wal ta para cla yuda protega e turtuganan aki di dia y anochi. E pareha aki tambe ta organisa diferente charlanan, workshops y anochinan informativo pa di e manera aki yuda concientisa e comunidad Arubano. Cu e actividadnan aki Señor y Señora van der Wal ta sigi pasonan di Señor Tom Barnes y pa asina cuida e turtuganan contra extincion.

Tecla Delfina Kelly-Hernandez Señora Kelly-Hernandez a ricibi un condecoracion como Lid den e Orden di Oranje-Nassau pa su trabou extraordinario pa mas di 30 aña na bienestar di e comunidad Arubano especialmente nos Carnaval. Señora Kelly-Hernandez ta un di e motornan tras di e carnival Jeugd Comite, Stichting Arubaans Carnaval y pa hopi aña a traha boluntariamente pa tur dos organisacion.

E conderadonan a encanta e antecion special cu nan a ricibi durante e ceremonia solemn hunto cu Gobernador y sernan mas keri. E celebracion a culmina anochi durante e 'Koniginnebal' anual caminda nan a wordo yama bonbini como invitadonan di honor dor di Gobernador y su distinguida casa. Den presensia tur invitado a haci un brindis na honor di Su Majestad Reina Beatriz riba su dia.